



DE MYSTERIO SS. TRINITATIS.

Summa hujus Mysterii in eo consistit, ut unum Deum in Personarum Trinitate, & Trinitatem Personarum in Unitate veneremur Substantiae. a)

Elenchus Dogmatum.

Fides nobis inclamat: *Existit Deus*, cont. *Atheos.* b) 2. Natura unus, & unicus, c. *Polyth.* 3. In Personis, Patris scilicet, Filii, & Spiritus S. trinus. c. *VV. HH.* 4. Ex quibus Filius a solo Patre, Spiritus S. a Patre Filioque procedit; c. *Greec.* 5. Quique re ipsa quoad Personalitates sunt numero discreti; c. *Sabell.* 6. Sed in eadem numero natura consubstantiales; c. *Arium.* 7. Ut adeo tres illi sint, maneatque unus idemque Deus. c. *Trith.* 8. Hunc credimus, & confitemur in omni perfectione infinitum, consecutively a nulla creatura æquabilem; c. *Deificat.* 9. Plane incorporeum; c. *Antropomorph.* 10. *Immortalem & impassivum*, c. *Apoll. Theop. & Muscul.* 11. Substantialiter ubique (etiam in re quavis exili) diffusum, c. *Vorst. calv.* 12. Nulla ratione mutabilem, seu volubilem; c. *Stoic. Manich. &c.* 13. Naturaliter invisibilem; c. *Sadd. & Fra-tri.* 14. Intuitive vero visibilem oculo intellectuali supernaturaliter elevato; c. *Palam. & Almaric. c)* 15. Nequaquam tamen a creatura ut ut elevata comprehensibilem; c. *Aug. de R.* 16. Omnia, etiam minutissima, ac secreta cordium, non conjecturaliter, sed certi-

a) Hoc mysterium rationi naturali non contrariatur, ita tamen sublime est, ut, quare ratione, supposita etiam fide, demonstrari valeat, non videamus.

b) Existentiam Dei ratio naturalis insuper demonstrat. 2) Ejus incogitantiam habent quidem plurimi, invincibilem vero ignorantiam positivam habere possunt nulli.

c) Supernaturale hoc auxilium in moderna providentia est *Lumen glorie.*

certissime scientem; c. *Marcion.* 17. Futurorum, etiam liberorum, sine leſione libertatis creatæ, præſcium; c. *Calvir.* *Zwingl.* & *Huff.* 18. In agendo ad extra vere liberum; c. *var.* *HH.* d) 19. Essentialiter sanctum, ut mala ethica nec velit, nec velle possit; c. *Calvin.* & *Bez.* 20. Providentia sua, quæ summe sapiens, sancta, justa, omnibus benefica est, creatureſ quaslibet moderantem, c. *Libertin.* 21. Seria & minime fucata adfectione, *omnes homines salvos fieri,* & ad agnitionem veritatis venire i. *Tim.* 2 volentem. e) 22. Certa & immutabili ſententia quosdam ad gloriam prædeflinantem. f) 23. Alios vero ex, & propter prævifa eorum demerita personalia ad æternum supplicium positive reprobantem. g) 24. Blasphema igitur est *Antelapsariorum*, Deum ex mero ſuo beneplacito positive reprobasse, docentium ſententia. 25. Impia *Postlapsariorum* adſertio, peccatum originale refectuo mniū, etiam baptizatorum, qui reprobi ſunt, eſſe veram reprobationis positivæ cauſam formalem.

Notæ Historico - Criticæ.

Mysterium Ss. Trinitatis Patribus ante-Nicoenis non erat in cognitione, imo potius ab iisdem fuit luculenter adſertum. 2. Obſcure in antiquo, perſpicue prorsus in novo eſt revelatum Testamento. 3. Ex *Isaiae* 6. v. 3. illuſtrari poteſt conſpirantibus in hanc rem celeberrimorum Rabbinorum testimoniiſ. 4. Verſiculus 7 timus i. *Joan.* 5.: *Tres ſunt, qui teſtimoniuſ dant in cœlo, Pater, Veſtibulum, & Spirituſ S., & hi tres unum ſunt,* periocha eſt vere auſtentica, & mysterii hujus plane decretoria. 5. Infirmitum eſt eorum criterium, qui comma illud adſcrittum, & Catholicorum dolo margini adſutum eſſe, adſirmant. 6. Vaniſſima quoque, omniq[ue] prorsus ratione deſtituta eſt *Crellii* ſuſpicio, illud in fidei confeſſionem a 461 Episcopis in Synodo Carthag. eufam ab aliquo interpo-

A 2

lato-

d) Libertate, non mera essentiali, ſed indiſferentia. *Cont. Lullift.*

e) Incassum iſtud Pauli oraculum ad folos electos reſtringere molitur post Prædestinatianos *Jansenius.*

f) De Prædestinationis modo loquimur cum D. Ambroſio L. 5. de Fide c. 3: *Quorum merita (non mera naturalia, uti voluit Pelagius) præſcivit Deus, eorum proemia prædestinavit.*

g) Credimus ergo cum Conc. *Valent.* C. 3: *In damnatione periturorum meritum malum præcedere iustum Dei iudicium.*

latore posterioris ætatis esse intrusum. 7. Controversia, quæ aliquando ipsos inter Catholicos vigebat, aliis unam εστιαν, & tres υποστασιες, aliis unam υποστασιν & tres εστιας statuentibus, lis de voce erat, adeoque illos non fecit reipsa circa summam hujus mysterii discordes. 8. Intemperans est hermeneutica eorum, qui Ss. *Justinum*, *Irenaeum*, & *Basilium* erroris circa Divinitatem Filii div. incusant. 9. Sat solidis autem nituntur fundamentis, qui *Eusebium Cæsareensem* virus *Arianum* nutriisse contendunt. 10. Sapienter & recte *Synodus Nicoena* suo fidei Symbolo vocem ομονοιος contra *Arianos* inseruit. 11. Vox illa a Conc. *Antiocheno* vel nunquam, vel certe alio sub sensu fuit damnata. 12. Nec *Liberius* S. Pontifex. 13. Nec Patres *Ariminenses* a fide *Nicoena* unquam recesserunt. 14. To: *Filioque* Symbolo *Nicoeno* jure insertum fuit. 15. Additio ista non repugnat decretis Cc. *Ephesini* & *Chalcedon*. 16. Nec reprobata fuit a *Leone III. R. P.* 17. Nec ratio fuit sat legitima, ut *Græci* a *Romanæ*, & totius Ecclesiæ Occidentalis unione scinderentur. 18. Facta autem fuisse videtur primitus a quibusdam Ecclesiis particularibus *Hispaniæ* circa initium seculi V., in *Germania* vero & alibi dein admissa, & demum a sum. Pontifice adprobata circa seculum IX. 19. *Tertullianus*, & S. *Epiphanius* erroris *Anthropomorphitarum*, qui Deum carnalis indumenti exuviis insuerunt, immerito incusantur. 20. Nec ejusdem sat convinci potest *Melito Sardicensis* ex libro, quem inscripsit: περι ενσωματω Θεος. 21. Non tam inepte locutum est os aureum D. *Chrysostomi*, ut facialem Dei visionem iret inficias. 22. *Joannem XXII.* auctoritate pontificia definiisse, intuitivam Dei visionem nonnisi post corporum resurrectionem Sanctis esse concedendam, adprime falsum est. 23. Verofimilius est, nec a *Moyse*, nec a *Paulo*, nec ab ullo alio in hac vita degente Deum intuitive visum unquam fuisse. 24. *Synodus Valentina III. capitulis Carisiacis* non obstitit, nisi ex errore facti. 25. Nec Ecclesia *Lugdunensis* voluntatem Dei, salvandi omnes, ad solos electos restrinxit.